

ZARAREN 50. URTEURRENA OSPATZEKO EKITALDIETARAKO SARRERAK ETA BERTARATZEKO BALDINTZAK

INDUSTRIA DE DISEÑO TEXTIL, S.A. (laburtuta, INDITEX, S.A.) Espainiako sozietatea da, egoitza Avenida de la Diputación, Edificio Inditex, Arteixo, A Coruña dauka, A Coruña probintziako Merkataritza Erregistroan inskribatua dago, Artxiboko 964 liburukian, Atal Orokorrean, 17. folioan, C-3.342 orrian, eta bere I.F.Z. A15075062 da (aurrerantzean, dagokionean, "Antolakuntza"). Antolakuntzak ZARAREN 50. urteurrenaren ospakizunen harira antolatutako hainbat ekitaldi jarri ditu martxan (aurrerantzean, oro har, "Ekitaldiak", eta bakarka, horietariko bakoitza, "Ekitaldia"), eta baldintza eta zehaztapen hauek hartuko dira oinarritzat ZARAREN 50. urteurrenako ospakizunetarako sarrerak erreserbatzeko eta bertaratzeko (aurrerantzean, "T&C").

1. XEDEA

Dokumentu hau eta ZARA ESPAÑA, S.A.U.k erabiltzen dituen [webgunearen eta/edo aplikazioaren erabilera- eta erosketa-baldintzak](#) ("Webguneak"), webgunearen erabileraren ondorioetarako, ZARAREN 50. urteurrenaren ospakizunetarako sarrerak erreserbatzeko eta antolatutako ekitaldietara joateko modua arautzen duten zehaztapenak eta baldintzak ezartzen ditu, eta T&C hauen ondorioetarako, garraio-zerbitzuaren erabilera ere barne hartuko dute, bertaratutakoak hura erabiltzen badu.

2. APLIKAZIO-EREMUA

Ekitaldiak Espainiako lurraldean egingo dira, eta ZARAREN 50. urteurrenaren ospakizunen barruan. Ekitaldietarako sarrerak erreserbatzen dituzten edo/eta haietara joaten diren pertsona guztiei (aurrerantzean, "bertaratutakoak" edo "bertaratutakoa") aplikatuko zaizkie T&Cak. Bertaratutakoek aurrez aipatutako testuak irakurri behar dituzte, eta horiekin eta pribatutasun-politikarekin ados egongo dira. Dokumentu horiek une oro bertaratutakoen eskura egongo dira webguneetan. Beraz, horiekin ados ez bazaude, ez eman izena eta, beraz, ez etorri ekitaldira.

Ordutegi eta leku zehatzak, bai eta ekitaldi bakoitzera joatea eta garraio-zerbitzua erabiltzea arautuko duten gainerako baldintza espezifikoak ere, webguneetan horretarako gaitutako eremuan zehaztuko dira. Eremu horren bidez, erabiltzaileak horiek kontsultatu ahal izango ditu, eta, interesa izanez gero, Ekitaldi bakoitzean izena eman ahal izango du.

3. SARRERAK ERRESERBATZEA

3.1. Sarrerak doan eskaintzen dira eta aldeztatik erreserbatu beharko dira horretarako gaitutako kanalen bitartez. Webguneetatik kanpo erreserbatutako sarrera oro ez da baliozkoa izango.

3.2. Pertsona bakoitzak gehienez sei (6) sarrera erreserbatu ahal izango ditu. Eskatera batek kopuru hori gainditzen badu, taldeentzako erreserba-prozedura berezia jarraitu beharko da.

3.3. Eskuragarri dagoen sarrera-kopurua aretoko leku-kopuruaren arabera izango da. Izena ematean, eta dagozkion egiaztapenak egin ondoren, bertaratutakoak emandako helbide elektronikora berrespen-mezu elektroniko bat bidaliko da, izen-ematearen xehetasunekin. Mezu horrekin batera, ekitaldira sartzeko sarrerak erantsita etorriko dira, dagokien QR kodearekin. Lekurik ez badago, erabiltzaileak itzarote-zerrendan apuntatzeko aukera izanen du. Ezeztapenen bat gertatzen bada, itzarote-zerrendan izena eman duten erabiltzaileei jakinaraziko zaie, apuntatzeko ordenaren arabera.

3.4. Antolatzaileek ez dute inolako erantzukizunik izango sarrera galdu edo lapurtuz gero. Sarrera bikoiztuta, fotokopiatuta edo faltsifikatuta aurkezten bada, bertaratutakoak bere gain hartuko du erantzukizun osoa, eta aipatutako kasuetan barrutira sartzeko eskubide guztiak galduko ditu.

4. BALDINTZAK ETA ZEHAZTAPENAK ONARTZEA

4.1. Erreserba-prozesua osatzeko, bertaratutakoak T&C hauek irakurri eta espresuki onartu behar ditu.

4.2. Sarrera bat eskuratzeko esan nahi du T&Cak osorik eta erreserbarik gabe onartzen direla.

4.3. Erreserba talde baterako egin bada eta bertaratutakoren batek ez baditu T&Cak onartzen, ezin izango da ekitaldira joan.

5. ESPARRURA SARTZEA ETA BERTAN EGOTEA

5.1. Barrutira eta, hala badagokio, gaitutako garraiora sartzeko, sarrera aurkeztu beharko da. Sarreraren QR kodea inprimatuta edo edozein gailu mugikorren bidez aurkeztu behar da; hori gabe, bertaratutakoak ezingo du sartu. Dokumentu inprimatua baliozkoa izango da, baldin eta formatua aldatzen ez bada, manipulaziorik aurkezten ez badu eta irakurtzeko adinako kalitatea badu; zati batean inprimatuta badago, hondatuta badago edo irakurtezina bada, ez da baliozkoa izango, eta antolakuntzak uko egin ahal izango

dio, bertaratutakoari sartzen utzi gabe. Sarrera dokumentu pertsonala eta besterenezina da, eta han adierazitako leku, saio, data eta ordurako bakarrik balio du.

5.2. Antolakuntzak eskubidea du pertsonen sarrerari ukatzeko. Ezingo da animaliarik sartu, desgaitasuna duten pertsonen laguntza-txakurrak izan ezik. Halaber, debekatuta egongo da kanpoko elikagaiak edo edariak sartzea ekitaldirako mugatutako eremuetan, eta kanpoko aisialdi-guneetan bakarrik baimenduko dira. Era berean, ezin izango da sartu jaurtikorra edo arriskutsua den arma, tresna edo objektu oro.

5.3. Ekitaldi bakoitzean parte hartzeko gutxieneko adina hamazortzi (18) urtekoa da izena emateko unean. Adingabeak ekitaldi batean sartzeko, adineko arduradun bat izan behar dute uneoro haiekin. Debekatuta dago adingabeek edari alkoholodunak kontsumitzea, indarrean dagoen araudiaren arabera.

5.4. Bertaratutakoek errespetuzko jokabidea izan behar dute, eta beren jokabideak ez du ekitaldiaren garapena oztopatuko eta ez diote trabarik egingo beste bertaratutakoei edo ekitaldiko langileei.

5.5. Antolakuntzak eskubidea du T&C hauek betetzen ez dituen edozein bertaratutako ekitalditik kanporatzeko, baldin eta haren jokabideak ekitaldiaren garapen normalari eragin badiezaioke eta/edo haren edo beste bertaratutako batzuen kalteren bat eragin badezake, antolakuntzaren jarraibideak errespetatzen ez baditu edo haren jokabideak indarrean dagoen araudia urratzen badu.

5.6. Antolakuntzak eskubidea du noiznahi eskatzeko T&C hauetan zehaztutako baldintzak betetzen dituela egiaztatzen duen ziurtagiria.

6. PROGRAMAREN ALDAKETAK

6.1. Programa, data, leku zehatza edo ordutegia aldatu ahal izango dira, arrazoi teknikoak, antolamendukoak edo ezinbesteko arrazoiak direla medio. Beraz, antolatzaileek eskubidea dute T&C horiek aldatzeko, baita Ekitaldi bakoitza egiteko prozedurak eta ordutegiak ere, beharrezkotzat jotzen badute. Bertaratutakoei eragin diezaiekeen edozein aldaketa aldez aurretik jakinaraziko da. Era berean, antolatzaileek eskubidea dute, aldez aurretik behar besteko aurrerapenaz bertaratutakoei jakinarazita, ekitaldiaren kokalekua aldatzeko edo hura bertan behera uzteko, besteak beste, arrazoi klimatologikoengatik ekitaldia behar bezala eta modu seguruan egiteko arriskua badago.

6.2. Bertan behera utziz gero, bertaratutakoei jakinarazi egingo zaie eskura dauden komunikazio-kanalen bidez. Bertaratutako batek izena eman badu eta etortzerik ez badu, izen-ematea eta/edo talde-erreserba ezeztatu beharko ditu ekitaldiaren eguna baino hogeita lau (24) ordu lehenago, gutxienez. Horretarako, berrespen-mezuan emandako esteka erabili behar da, erreserba ezeztatzeko.

6.3. Aldaketek eta/edo ezeztapenek ez dute konpentsaziorik ekarriko.

7. MUGAPENAK SARREREN ERABILERAN

7.1. Sarrerak T&C hauetan azaldutako helbururako bakarrik erabili ahal izango dira.

7.2. Debekatuta dago helburu komertzialekin edo irabazizkoekin saltzea, lagatzea edo eskualdatzea.

7.3. Ezin da sarrerarik erabili sustapen- edo marketin-helburuetarako, baldin eta antolakuntzak ez badu berariaz baimendu.

7.4. Sarrerak bide ofizialetatik soilik eskuratu ahal izango dira. Aretora sartzean haren benetakotasuna egiaztatu ahal izango da, eta irregulartasunik aurkituz gero, sartzeko eskubidea mugatuko da.

8. DATUEN BABESA ETA PRIBATUTASUNA

8.1. Tratamenduaren arduradunak: Bertaratutakoek ekitaldien eremuan emandako datu pertsonalak ZARA ESPAÑA, S.A.U.k eta INDUSTRIA DE DISEÑO TEXTIL, S.A. (laburki, INDITEX, S.A.) tratatuko dituzte, tratamenduaren erantzunkide diren aldetik. Biek helbidea Avenida de la Diputación, Edificio Inditex, Arteixo (A Coruña), Espainian dute.

8.2. Xedea eta legitimazioa: Datu pertsonalak ekitaldiak garatu, egin eta kudeatzeko tratatuko dira, T&Cetan zehaztutakoaren arabera. Datu horiek tratatzeko lege-oinarria ekitaldien T&Cetan ezarritako baldintzak betetzea da, bertaratutakoak izena emateko prozesuan onartu dituenak.

8.3. Datuak gordetzea: Datuak dagokion helburua betetzeko behar-beharrezkoa den denboran tratatzen badira ere, ondoren behar bezala gordeta eta babestuta gordeko dira, tratamenduaren ondorioz erantzukizunak sor daitezkeen bitartean, une bakoitzean indarrean dagoen araudia betetzeko. Kasu bakoitzean egin daitezkeen ekintzak preskribatu ondoren, datu pertsonalak ezabatuko dira.

8.4. Bertaratutakoen irudia: Horrez gain, tratamenduaren erantzunkideek bertaratutakoen irudia tratatuko dute, T&Cetan zehazten diren helburuekin. Irudia tratatzeko lege-oinarria T&Cetan jasotako baldintzak betetzea da, eta hura gordeta egongo da baldintza horiek indarrean dauden bitartean.

8.5. Hartzaileak: Adierazitako helburuak betetzeko, beharrezkoa da erantzunkideek bertaratutakoen datu pertsonaletarako sarbidea ematea Inditex Taldeko erakundeei; erakunde horien jarduerak sektore hauekin lotuta daude: dekorazioa, ehungintza, jantzigintzako eta etxeko produktu bukatuak, aurrekoen beste edozein osagarri (kosmetika eta larrukigintza barne), eta merkataritza elektronikoaren garapena eta

euskarria. Halaber, Ekitaldietan eta eskaintzen dituzten zerbitzuetan (zerbitzu teknologikoak edo Ekitaldietan izen-emateko zerbitzuak) lanean diharduten hirugarren aldeei. Ekitaldiak eraginkortasunez garatu, gauzatu eta kudeatzeko, aipatutako zerbitzu-emateetako batzuk Europako Esparru Ekonomikotik kanpoko lurraldeetan egon daitezke, eta, beraz, datuen babesean ez dute Europar Batasunaren pareko babes-mailarik ematen. Kasu horietan, bertaratutakoari jakinarazten zaio erantzunkideek berme egokiekin transferituko dituztela beren datuak, betiere beren datuen segurtasunari eutsiz, datuak nazioartean transferitzeko tresnarik egokienak erabiliz, hala nola kontratu-klausula tipoak edo egokia den beste edozein neurri osagarri. Kontratu-klausula tipo horien edukia esteka honetan kontsulta daiteke: https://ec.europa.eu/info/law/law-topic/data-protection/international-dimension-data-protection/standard-contractual-clauses-scc_en

8.6. Eskubideak: Bertaratutakoek edozein unetan erabili ahal izango dituzte datuak eskuratzeko, zuzentzeko, ezabatzeko, tratamendua mugatzeko eta eramateko eskubideak. Horretarako, idatzizko jakinarazpen bat bidali behar dute dataprotection@zara.com helbide elektronikora. Mezuaren gaian “50. urteurreneko ekitaldia” adierazi beharko dute. Bertaratutakoak bere irudiari dagozkion eskubide horiek erabili nahi baditu, edozein unetan egin ahal izango du. Horretarako, mezu elektronikoa bat bidali beharko du dataprotection@zara.com helbidera, postaren gaian “Irudia” jarrita. Beharrezkoa bada, behar bezala identifikatzeko informazio gehiago eskatu ahal izango diogu.

Azkenik, bertaratutakoek aukera izango dute Datuak Babesteko ordezkariarekin harremanetan jartzeko, datuen babesarekin zerikusia duen edozein kontsulta egiteko. Horretarako, mezu elektronikoa bat idatzi beharko dute dataprotection@zara.com helbide elektronikora. Halaber, eskubidea dute datuak babesteko alorreko kontrol-agintaritzan erreklamazio bat aurkezteko: http://ec.europa.eu/justice/article-29/structure/data-protection-authorities/index_en.htm

8.7. Informazio osagarria: Bere datuen erabilerari buruzko informazio gehiago nahi izanez gero, bertaratutakoek Zararen Pribatutasun Politika kontsulta dezakete www.zara.com helbidean.

9. IRUDIEN ERABILERA

Ekitaldian, zuzenean edo hirugarrenen bidez, bertaratutakoaren irudi pertsonala erakusten duten argazkiak edo bideoak (“Materiala”) hartu ahal izango ditu antolakuntzak. Ekitaldira bertaratzean, bertaratutakoak baimena ematen dio antolakuntzari materiala erabiltzeko argitalpenetan (digitaletan nahiz analogikoetan), ekitaldiaren ospakizuna eta garapena erakusteko, adibidez, antolakuntzaren edo taldeko beste sozietate batzuen webgune eta sare sozial ofizialetan, baita haren urteko memorian ere.

Baimen horrek ez du lurralde-mugarik izango, eta zortzi (8) hilabeteko iraupena izango du, bertaratutakoa ekitaldira joaten den egunetik kontatzen hasita. Epe hori igarotakoan, antolakuntzak ez du materiala berriro erabiliko, baina epe horretan argitaratutako materiala eskuragarri egon daiteke da, eta antolakuntzak ez du material hori kentzeko obligaziorik izango.

Beren kabuz baimena eman ezin duten adingabeak edo pertsona ezgaiak inskribatzen baditu bertaratutakoak, eta/edo horiek bere zaintzapean ekitaldira joaten badira, bertaratutakoak adierazten du haien legezko ordezkaritza duela, haien irudiaren erabilera baimentzeko, aurreko bi paragrafoetan ezarritako baldintza beretan, eta erabilera hori baimentzen du.

10. BERTARATUTAKOEN BETEBEHARRAK ETA ERANTZUKIZUNAK

Bertaratutakoek beren arrisku eta ardurapean hartuko dute parte ekitaldi bakoitzean. Halaber, bertaratutakoak dira ekitaldian zehar egiten dituzten ekintzen arduradun bakarrak. Nolanahi ere, bertaratutakoek antolatzaileen gomendioak bete beharko dituzte une oro.

Era berean, bertaratutakoaren objektu pertsonalen kokapena eta kontrola bere ardura izango da, eta ez beste inorena, eta galerarik edo kalterik izanez gero, galera orotatik kanpo utziko du antolakuntza.

Bertaratutakoak edozein unetan ekitalditik alde egin ahal izango du, gainerako bertaratutakoak ekitaldian normaltasunez jarraitzea errespetatuz.

11. ERANTZUKIZUNAREN MUGA

Bertaratutakoak aitortu eta onartu egiten du antolatzaileek eta ekitaldiko langileek ez dutela erantzukizunik izango bertaratutakoan gauzetan edo objektuetan gertatutako edozein galera edo kalteren aurrean.

Antolatzaileek ez dute erantzukizunik izango bertaratutakoek beste bertaratutako batzuen eskubideak urratzen badituzte.

Antolatzaileek ez dute erantzukizunik izango: (i) telekomunikazio-sistemen, webguneen edo ekitaldien esparruan erabilitako beste edozein bitartekoren akats, kolapso edo funtzionamendu okerragatik, ezta sarreren transmisio-atzerapenengatik edo inguruabar horien ondorioz sor daitezkeen galerengatik ere; (ii) bertaratutakoei gerta dakizkiekeen huts, kalte edo galerengatik, ekitaldietan parte hartzeko beharrezkoak diren webguneak edo hirugarrenen aplikazio informatikoak erabiltzeagatik, webguneetan ezarritako beste batzuk erabiltzeagatik, edo ekitaldien eremuan erabilitako beste edozein baliabide erabiltzeagatik.

Antolatzaileek ez dute erantzukizunik izango haiei egotzi ezin zaizkien arrazoiengatik gertatutako atzerapen, kalte, galera edo narriadurengatik. Halaber, antolatzaileek ez dute erantzungo ekitaldiak egitea galaraz dezaketen ezinbesteko kasuetan (grebak, etab.). Antolakuntzak ez du inolako erantzukizunik izango, aipatutako kasuren bat gertatzen bada.

12. LEGEDI ETA JURISDIKZIO APLIKAGARRIAK

12.1. T&C hauek Espainiako legeriak arautuko ditu.

12.2. T&Cak interpretatzearen edo aplikatzearen ondoriozko edozein eztabaida ebazteko, alderdiak ekitaldia egin den lekuko epaitegien eta auzitegien mende jarriko dira.

13. HARREMANETAN JARTZEKO DATUAK

Ekitaldi bati, T&C hauei edo sarrerak erreserbatzeko prozesuari buruzko edozein zalantza, kontsulta edo kexa adierazteko, idatzi mezu elektroniko bat helbide honetara: 50aniversario@zara.com. Horrela, ahalik eta modurik hoberenean eta bizkorrenean erantzuten saiatuko gara.